

## Забидий / ВАҲИЙНИНГ БОШЛАНИШИ КИТОБИ / 1084-ҳадис

1084/2426 - عَنْ أَبِي بِنِ كَعْبٍ رَضِيَ اللَّهُ عَنْهُ قَالَ: وَجَدْتُ صُرَّةَ مِئَةِ دِينَارٍ، فَأَتَيْتُ النَّبِيَّ صَلَّى

اللَّهُ عَلَيْهِ وَسَلَّمَ، فَقَالَ: «عَرَفْتَهَا حَوْلًا». فَعَرَفْتُهَا حَوْلًا، فَلَمْ أَحِدْ مَنْ يَعْرِفُهَا، ثُمَّ أَتَيْتُهُ، فَقَالَ:

«عَرَفْتَهَا حَوْلًا»، فَعَرَفْتُهَا، فَلَمْ أَحِدْ مَنْ يَعْرِفُهَا، ثُمَّ أَتَيْتُهُ ثَلَاثًا، فَقَالَ: «احْفَظْ

وَعَاءَهَا، وَعَدَدَهَا، وَوَكَاءَهَا، فَإِنْ جَاءَ صَاحِبُهَا، وَإِلَّا فَاسْتَمْتِعْ بِهَا».

1084.2426. Шуъба Саламадан ривоят қилиб, сўзлаб берди:

«Сувайд ибн Ғофаланинг бундай деганини эшитдим: «Убай ибн Каъб розияллоҳу анҳуни учратиб қолдим. Шунда у: «Ичида юз динори бор бир кармонни олиб, Набий соллаллоҳу алайҳи васалламнинг олдиларига келган эдим: **«Уни бир йил эълон қил»**, дедилар. Мен уни бир йил эълон қилдим, лекин уни танийдиган киши тополмадим. Кейин яна у зотнинг олдиларига келган эдим: **«Уни бир йил эълон қил»**, дедилар. Мен уни эълон қилдим, бироқ ҳеч кимса тополмадим. Сўнгра учинчи бор у зотнинг олдиларига келган эдим: **«Унинг идишини, ададини ва боғичини сақлаб қўй. Агар эгаси келса келди, бўлмаса ундан фойдаланавер»**, дедилар. Мен ундан фойдаландим», деди».\*

Кейинроқ мен уни Маккада учратиб қолганимда, у: «Уч йилмиди ёки бир йилмиди, аниқ билмайман», деди».\*

\* Йўқолган нарсани топган киши фақир бўлсагина бу иш мумкин. Бой киши уни камбағал, муҳтож кишиларга садақа қилиб юборади.

\* Бу гап Шуъбага тегишли. У Маккада мазкур ҳадисни айтиб берган Салама ибн Куҳайлни учратиб қолган.



HADIS.ISLOM.UZ  
NUBUVVAT MARVARIDLARI